

儒門事親

卷十

撮要圖

難 素 撮 要

太初 也始之氣	太易 也氣見未
------------	------------

甲膽 乙肝 丙腸小

包絡	小腸	大腸	三焦
手厥陰	手太陰	手陽明	手少陽
寅相火	卯燥金	辰寒水	巳風木

從 其 氣

是動則病者	氣之所感也	天之邪感則害	人之五臟肝心脾	肺之實而己也	可下之而己也
-------	-------	--------	---------	--------	--------

儒門事親 卷十 撮要圖

一

金 睢州 張子和 著
明 新安 吳勉學 校

究治識病用藥之圖

太極		太始之形也		太素之質也		
丁心	戊胃	己脾	庚大腸	辛肺	壬膀胱	癸腎
心	肺	膽	胃	膀胱	肝	脾
午君火	未濕土	申相火	酉燥金	戌寒水	亥風木	子君火
足少陰	手太陰	足少陽	足陽明	足太陽	足厥陰	足少陰
則	和	違	其	氣	則	病
水穀之寒熱感則害	人六腑膽胃三焦膀胱大腸小腸滿而不	實可吐之而已也	地之濕氣感則	害人之皮肉筋脈	肌膚從外而入	可下之而已也
						所生病者血
						之所成也

外有風寒暑濕屬天之四令。無形也。
 內有饑飽勞逸屬天之四令。有形也。
 一者。始因氣動而內有所成者。謂積聚、癥瘕、瘤氣、癭起、結核、狂瘡、癰疽。疏曰。癥、堅

天此	地論	六元	位無	藏此	象圖	之添	圖之
屬上在二天	大虛	金火合德	爲金主清	君火主熱	風木主溫	相火主極熱	濕土主涼
屬	天面	火	水木火合德	火	土水二合德	水	
屬中二位人	風雲之路	萬物之路	地	面	黃泉		
屬							
屬下二位地							
屬							

也。積也。癰、氣血也。

二者。始因氣動而外有所成者。謂癰腫、瘡瘍、疥癬、疽痔、掉痰、浮腫、目赤、爛弦、肝腫、痛痒之類是也。

三者。不因氣動而病生于內者。謂留飲、癖食、饑飽、勞損、宿食、霍亂、悲恐、喜怒、想慕、憂結之類是也。

四者。不因氣動而病生于外者。謂瘴氣、賊魅、蟲蛇、蠱毒、伏尸、鬼擊、衝薄、墜墮、風寒、暑濕、斫射、割刺之類是也。

風木鬱之病

故民病胃脘當心而痛。四肢兩脇咽膈不通。飲食不下。甚則耳鳴眩轉。目不識人。善僵仆。筋骨強直而不用。卒倒而無所知也。

暑火鬱之病

故民病少氣。瘡瘍癰腫。脇肋胸背首面四肢。膜膈臄脹。瘍癉嘔逆。痲癰骨痛節疼。

及有動泄注下。溫瘧。腹中暴痛。血溢流注。精液衰少。目赤心痛。甚則脊悶懊惱。善暴死也。

溼土鬱之病

故民病心腹脹。腹鳴而爲數。後甚則心痛脇脹。嘔逆霍亂。飲發注下。肘腫身重。脾熱之生也。

燥金鬱之病

故民病欬逆。心腹滿引少腹。善暴痛。不可反側。噎乾面塵。色惡。金勝而木病也。

寒水鬱之病

故民病寒客心痛。腰椎痛。大關節不利。屈伸不便。善厥。痞堅腹滿。陰乘陽故也。

初之氣

自大寒至立春。春分。厥陰風木之位。陽用事而氣微。故曰少陽得甲子。元頭常准。以大寒交初之氣。分以六周。甲子以應六氣。下微一月。正月二月少陽。三陰三陽亦同。

一一之氣

春分至小滿。少陰君火之位。陽氣清明之間。又陽明之位。

二二之氣

小滿至大暑。少陽相火之位。陽氣發。萬物俱成。故亦云太陽旺。其脈洪大而長。天氣并萬物。人脈盛衰。造物造化亦同。

四之氣

大暑至秋分。太陰濕土之位。天氣吉感。夏後陰已用事。故曰太陰旺。此三陰三陽與天氣標本陰陽異矣。脈緩大而長。燥金旺。緊細短濇。以萬物乾燥。明可見矣。

五之氣

秋分至小雪。陽明燥金之位。氣衰陰盛。故云金氣旺。其脈細而微。

終之氣

小雪至大寒。太陽寒水之位。陰極而盡。天氣所收。故曰厥陰旺。厥者盡也。

風木肝酸 達鍼

與膽爲表裏。東方木也。色青。外應目。主治血。芍藥味酸微寒。澤瀉鹹平。烏梅酸熱。諸風掉眩。皆屬於肝。木主動。治法曰達者吐也。其高者因而越之。可刺大敦。灸亦同。

暑火心苦 發汗

與小腸爲表裏。南方火色。外應舌。主血運諸經。大黃苦寒。木香苦溫。黃連苦涼。沒

藥苦熱。

諸痛痒瘡瘍皆屬於心火。治法曰。熱者汗之。令其疎散也。可刺少衝。灸之亦同。

溼土脾甘 奪鍼

與胃爲表裏。中央土也。色黃應唇。主肌肉。應四時。蜜甘涼。甘草甘平。諸溼腫滿皆屬於脾土。治法曰。奪者瀉也。分陰陽利水道。可刺隱白。灸亦同。

燥金肺辛 清鍼

與大腸爲表裏。西方金也。色白。外應皮毛。鼻亦行氣。乾薑辛熱。生薑辛溫。薄荷辛涼。

諸氣憤鬱皆屬於肺金。治法曰。清者清膈。利小便。解表。可刺少商。灸亦同。

寒水腎鹹 折鍼

與膀胱爲表裏。北方水也。色黑。外應耳。主骨髓。牡蠣鹹寒。水蛭鹹寒。

諸寒收引。皆屬於腎水。治法曰折之。謂抑之。制其衝逆。可刺涌泉。灸亦同。

大寒子上初之氣

初之氣爲病。多發欬嗽。風痰風厥。涎潮痺塞。口喎。半身不遂。失音。風癰風中。婦人胸中留飲。兩臍腹微痛。嘔逆惡心。旋運驚悸。狂惕心風。搖擲顫掉。初之氣病。宜以瓜蒂散吐之。在下泄之。

春分卯上二一之氣

二之氣爲病。多發風溫風熱。經曰。風傷於陽。濕傷於陰。微頭痛身熱。發作風溫之候。風傷於衛氣也。濕傷於脾氣也。是以風溫爲病。陰陽俱自浮。汗出。身重。多眠。鼻息。語言難出。此已上二證。不宜下。若與巴豆大毒丸藥。熱證併生重者。必死。二之氣病。宜以桂枝麻黃湯發汗而已。

小滿巳上三二之氣

三之氣爲病。多發熱。皆傳足經者多矣。太陽、陽明、少陽、太陰、少陰、厥陰。太陽者。發熱惡寒。頭項痛。腰脊強。陽明者。身熱目疼。鼻乾不得臥。少陽者。胸脇痛。耳聾口苦。寒熱往來而嘔。此三陽屬熱。太陰者。腹滿咽乾。手足自溫。自利不渴。或腹滿時痛。少陰者。故口燥舌乾而渴。厥陰者。腹滿囊縮。喘熱悶亂。四肢厥冷。爪甲青色。三之氣病。宜以清涼上溫下養。不宜用巴豆丸下之。

大暑未上四之氣

四之氣爲病。多發暑氣。頭痛。身熱。發渴。不宜作熱病治。宜以白虎湯。得此病不傳染。次發脾泄。胃泄。大腸泄。小腸泄。大瘕泄。霍亂吐瀉。下痢。及赤白相雜。水穀不分。消腸鳴切痛。面浮足腫。目黃口乾。脹滿氣痞。手足無力。小兒亦如此。四之氣病。宜滲泄。五苓散之類。

秋分酉上五之氣

五之氣爲病。多發喘息。嘔逆。欬嗽。及婦人寒熱往來。瘧瘧痺痔。消渴中滿。小兒斑

癰瘡。五之氣病。宜以大小柴胡湯。宜解治表裏之類。

小雪亥上終之氣

終之氣爲病。多發風痰。風寒濕痺。四肢秋收多。冬水復旺。水濕相搏。肺氣又衰。冬寒甚。故發則收。則痿厥弱。無以運用。水液澄清冷。大寒之疾。積滯瘕塊。寒疝血瘕。凡氣之疾。終之氣病。宜破積發汗之類。

肝之經足厥陰風乙木

是動則病腰痛。不可以俛仰。丈夫癰疝。婦人少腹腫。甚則嗌乾。面塵脫色。是肝所生病者。胸滿嘔逆。飧泄狐疝遺溺。閉癰爲此諸病。

膽之經足少陽風甲木

是動則病口苦。善太息。心脇痛。不能轉側。甚則面微有塵。體無膏澤。足外反熱。是爲陽厥。是主骨所生病者。頭痛。頰痛。目內眦痛。缺盆中腫痛。腋下腫。馬刀俠癭。汗

出振寒。瘧。胸脇肋髀膝外至脛絕骨外踝前。及諸節皆痛。小指次指不用。爲此諸病。

心之經手少陰暑丁火

是動則病啞乾。心痛。渴而欲飲。是爲臂厥。是主心所生病者。目黃。脇痛。臍臂內後廉痛厥。掌中熱痛。爲此諸病。

小腸經手太陽暑丙火

是動則病嗑痛頰腫。不可以顧。肩似拔。臍似折。是主液所生病者。耳聾。目黃。頰腫。頸頰肩臍肘臂外後廉痛。爲此諸病。

脾之經足太陰溼己土

是動則病舌本強。食則嘔。胃脘痛。腹脹。善噫。得後與氣。則快然如衰。身體皆重。是主脾所生病者。舌本痛。體不能動搖。食不下。煩心。心下急痛。溇瀉泄。水閉黃疸。不

能臥強立。股膝內腫厥。足大指不用。爲此諸病。

胃之經足陽明溼戍土

是動則病灑灑振寒。善呻數欠。顏黑。至則惡人與火。聞木聲則惕然而驚。心欲動。獨閉戶塞牖而處。甚則欲上高而歌。棄衣而走。賁響腹脹。是爲肝厥。是主血所生病者。狂瘧。溫淫。汗出。鼽衄。口喎。唇胗。頸腫。喉痺。大腹水腫。膝膕腫痛。循膺乳氣衝股伏兔。肝外廉足跗上皆痛。中指不用。氣盛則身以前皆熱。其有餘于胃。則消穀善飢。溺色黃。氣不足。則身以前皆寒慄。胃中寒。則脹滿。爲此諸病。

心包絡手厥陰爲母血

是動則病手心熱。臂肘攣急。腋腫。甚則胸脇支滿。心中憺憺大動。面赤目黃。喜笑不休。是主脈所生病者。煩心。心痛。掌中熱。爲此諸病。

三焦經手少陽爲父氣

是動則病耳聾。渾渾淳淳。噎腫喉痺。是主氣所生病者。汗出。目銳皆痛。耳後肩髃肘臂外皆痛。小指次指不用。爲此諸病。

大腸經手陽明燥庚金

是動則病齒痛頸腫。是主津液所生病者。目黃。口乾。鼽衄。喉痺。肩前臑痛。大指次指痛不用。氣有餘。則當脈所過者熱腫。虛則寒慄不復。爲此諸病。

肺之經手太陰燥辛金

是動則病肺脹滿。膨膨而喘欬。缺盆中痛。甚則交兩手而脅。此爲臂厥。是主肺所生病者。欬上氣喘渴。煩心胸滿。臑臂內前廉痛厥。掌中熱。氣盛有餘。則肩背痛。風寒汗出中風。小便數而欠。氣虛則肩背痛。寒少。氣不足以息。溺色變。爲此諸病。

腎之經足少陰水癸水

是動則病饑不欲食。面如漆柴。欬唾則有血。喝喝。坐而欲起。目眈眈如無所見。心

如懸。若饑狀。氣不足則善恐。心惕惕如人將捕之。是爲骨厥。是主腎所生病者。口熱舌乾。噤腫上氣。噤乾及痛。煩心。心痛。黃疸。腸澼。脊股內後廉痛。痿厥。嗜臥。足下熱而痛。爲此諸病。

膀胱經足太陽寒壬水

是動則病衝頭痛。目似脫。項如拔。脊痛。腰似折。髀不可以曲。腠如結。踠如裂。是爲蹠厥。是主筋所生病者。痔瘡。狂癲疾。頭顙項痛。目黃淚出。鼯衄。項背腰尻腠踠脚皆痛。小指不用。爲此諸病。

風治法。風淫于內。治以辛涼。佐以甘苦。以甘緩之。以辛散之。

防風通聖散

天麻散

防風湯

祛風湯

小續命湯

消風散

排風湯

暑治法。熱淫于內。治以鹹寒。佐以甘苦。以酸收之。以苦發之。

白虎湯

桂苓湯

玉壺丸

碧玉散

玉露散

石膏湯

濕治法。濕淫于內。治以苦熱。佐以鹹淡。以苦燥之。以淡泄之。

白朮木香散

桂苓白朮丸

五苓散

葶藶木香散

益元散

神助散

火治法。火淫于內。治以鹹寒。佐以甘苦。以酸收之。以苦發之。

涼膈散 解毒丸 神功丸 八正散 調胃散 大小承氣湯

燥治法。燥淫于內。治以苦溫。佐以甘辛。以辛潤之。以苦下之。

神功丸 麻仁丸 脾約丸 潤體丸 潤腸丸 四生丸 葶藶散

寒治法。寒淫于內。治以甘熱。佐以苦辛。以辛散之。以苦堅之。

薑附湯 四逆湯 二薑湯 朮附湯 大戊己丸 附子理中湯

六門病證藥方

風門獨治於內者。

防風通聖散 防風天麻丸 防風湯 小續命湯 消風散 祛風丸

承氣湯 陷胸湯 神芎丸 大黃丸 備急丹

暑門獨治於外者。

白虎湯 桂苓甘露散 化痰玉壺丸 益元散 玉露散 石膏散

拔毒散 水澄膏 魚膽丸 金絲膏 生肌散

濕門兼治於內者。

五苓散

葶藶木香散

白朮木香散

益元散

大橘皮湯

桂苓白朮丸

神助散

大柴胡湯

小柴胡湯

柴胡飲子

防風通聖散

防風當歸飲子

火門兼治於外者。

涼膈散

黃連解毒湯

瀉心湯

神芎丸

八正散

調胃散

調胃承氣湯

桂苓湯

麻黃湯

小建中湯

升麻湯

五積散

燥門先治於內。後治於外者。

神芎丸

脾約丸

麻仁丸

潤體丸

四生丸

謂寒藥攻其裏。大黃兼牽牛之類。

謂熱藥攻其表。桂枝麻黃升麻之類。

薑附湯

四逆湯

二薑湯

朮附湯

寒門先治於外。後治於內者。

大已寒丸

理中丸